



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Præceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio**

**Leodii, 1709**

Caput XXXVIII. Usurariorum pœnæ.

---

[urn:nbn:de:hbz:466:1-73203](https://nbn-resolving.org/urn:nbn:de:hbz:466:1-73203)

idè est, quia donator intendit donare, a-  
deòque dominium transferre, quamvis latro,  
ob injustitiam metùs ipsi incussi, teneatur  
illud restituere; mutuatarius verò domi-  
nium auctarii transferre non intendit, uti  
probavimus.

446 Ad 5. patet ex dictis. Ad 2. solum addo,  
cum S. Thoma ubi supra, usurarium esse do-  
minum possessionum, aliarumque rerum,  
de usuris acquirarum; quia fructus sunt in-  
dustriæ ipsius, prout habetur cap. cum tu  
de usuris, & L. 1. & 8. Cod. si quis alteri.  
Enimverò fructus illius sunt, cujus est id  
unde sunt fructus, ait S. Doctor ibidem in  
corp. Ergo fructus industriæ illius sunt, cu-  
jus est industria.

## CAPUT XXXVIII.

## Usurarium pœna.

447 **U**surarii alii publici sunt, occulti alii.  
Publici, seu notorii, vel tales sunt no-  
torietate juris, quando coram Judice confessi  
sunt, vel convicti, vel notorietate facti,  
quando ita palam exercent usuram, ut eam  
nullâ possint tergiversatione negare vel celare.

448 Publici itaque usurarii 1. sunt infames,  
ac per consequens irregulares, & inhabiles ad  
officia, & beneficia, &c. can. infames 3. q. 7.

2. repelluntur à sacra Communionem cap.  
in omnibus de usur. Non tamen ab Officio  
divino: quia excommunicati non sunt ex  
toto. Tametsi Edicto Belgico anni 1610.  
tempore divini Officii templum intrare pro-  
hibeantur.

3. eorum oblationes non recipiuntur.  
Ibidem. Qui eas acceperit, ipso facto est sus-  
pensus ab officio, & oblationes reddere com-  
pellitur.

4. ad confessionem non admittuntur, nec  
absolvuntur, nisi antè pro viribus satisfecerint  
iis, quibus restituere tenentur; saltem  
sufficientem dando cautionem creditoribus,  
si sint præsentis, vel Ordinario loci, vel Pa-  
rocho, coram testibus fide dignis. cap. quam-  
quam de usur. in 6. Si periculum mortis non  
patiat moram, factâ promissione pro viri-  
bus satisfaciendi, absolventi erunt. Navar-  
rus c. 17. n. 279.

5. ecclesiasticâ privantur sepulturâ. cap.  
quia in omnibus supra. Siquis propriæ te-  
meritatis audaciâ ipsos ejusmodi sepulturæ  
tradiderit, ipso facto est excommunicatus.  
Clement. 1. de usuris.

6. eorum testamenta cassantur & annul-  
lantur. cap. nunquam de usuris in 6.

7. intra tres menses expellendi sunt è  
terra, de qua non sunt oriundi, nec ipsis ibi  
concedendus habitacionis locus, nec domus  
elocanda; si quis elocet, excommunicatur.  
cap. 1. de usur. in 6.

## CAPUT XXXIX.

Quomodo Confessarius se gerere debeat cum  
usurariis.

449 **I**psos ante omnia monere debet, quòd non  
tantùm est perfectioris, sed etiam necessitatis,  
Tom. II.

publicè (si notorii sint) & in manus Ecclesiæ  
restitutiones faciendas promittere & firmare. S.  
Thomas opusc. 78. c. 16. idoneam scilicet  
cautionem dando, ut supra Quòd si eam  
præstare nequeant, debent jurare se non pos-  
se, & se facturos quicquid poterunt ut re-  
stitutio fiat. Bonacina de contract. disp. 3.  
q. 4. p. ult. n. 1. Navarrus ubi supra. Wig-  
gers de mutuo & usura c. 6. dub. 24.

2. usurario publico publicam, pro modo 450  
culpa, pœnitentiam injungere debet, ut quos ex-  
emplo suo ad malos mores provocavit, suæ emen-  
dationis testimonio ad rectam revocet viam,  
inquit Tridentinum sess. 24. de reform. c. 8.  
post Apostolum, monentem, publicè peccan-  
tes palam esse corrigendos.

3. beneficium absolutionis ipsis non de- 451  
bet impendere, priusquam appareat publi-  
ca ipsorum correctio, per publicam satisfac-  
tionem, prout Gregorius IX. statuit in  
Concilio Lugdunensi.

4. si usurarii non fuerint publici, sed 452  
occulti, meminerit sequendam sibi doctri-  
nam S. Thomæ loco citato: Sic compellen-  
di sunt usurarii ad restitutionem, ut beneficium  
absolutionis eis deuegetur, nisi restitutionem fa-  
ciant plenam, quantum potuerint, aut dilatio-  
nem petierint ab his, quibus tenentur restituere,  
si utique nunc impotentes sint ad restitutio-  
nem faciendam; promittendo interim se pro  
possibili restitutos, si facultas ipsis super-  
venerit. Cujus si apparentia nulla sit, remis-  
sionem postulare debent, ab iis quibus resti-  
tuere tenentur; aliàs non absolventi. Nec  
enim dimittitur peccatum, nisi restituatur  
ablatum. Nec hic molliter agere Confessari-  
us debet, sed sacerdotalem adhibere vi-  
gorem, solertemque providentiam; dum u-  
surariorum avaritia mille modis excusare, &  
palliare se solet, impotentiamque allegare,  
ubi reverà non est. Qui enim volunt divites  
fieri (Apostolo teste 1. Timoth. 8.) inci-  
dunt in laqueum diaboli, solâ magnâ, imò  
extraordinariâ gratiâ Dei extricabilem, ita  
ut facilius sit camelum per foramen acis transi-  
re, quàm divitem intrare in regnum celorum,  
ut Veritas dicit.

5. debet Confessarius ipsos obligare ad 453  
cassandos contractus omnes usurarios quos  
fecerunt (uti monet sanctus Carolus Borro-  
mæus) idque ante absolutionem; maximè si  
in præcedenti confessione moniti, promissam  
restitutionem non fecerint.

## CAPUT XL.

Amplius explicatur obligatio restitutionis, cui  
obnoxii sunt usurarii, ipsorumque hæredes,  
ac Notarii.

**U**surarii non purè mentales, sed qui ali- 454  
quid per usuram (licet absque pacto ex-  
terno) acceperunt, ad restitutionem teneri,  
constat ex c. consilium de usur. ubi Urbanus III.  
definit, eos pro usuraria inentione ad restitu-

Ecc